

الأرنب وملك الغيلة بالعامية المصرية

حبايبي الحلوين

كان يا مكان في أرض بعيدة من أراضي الغيلة، الميه قَلِت والشجر نشف،
والغيلة عطشت عطش شديد.

راحوا لملك الغيلة، وقالوله: يا ملك، الميه قَلِت، واحنا عطشانين نعمل ايه؟
فقالهم: أنا بأمركم أنكم تدوروا في كل مكان على نبع ميه.

دورت الغيلة، لحد ما رجع واحد منهم، وقال أنا لقيت في مكان بعيببيد في
الغابة عين ميه اسمها عين القمر، فالملك أمر وقال: يلا كلنا نروح نعيش عند
عين القمر عشان نشرب، ونرتاح.

مشيت الغيلة كلها مع الملك، وراحوا لعين القمر، وكانت العين دي في أرض
الأرنب، فأول ما الأرنب شافت الغيلة جاينين خافوا وجريوا بسرعة في كل مكان
يستخبوا؛ لاحسن الغيلة تدوس عليهم برجليهم، دببت الغيلة على الأرض وهي
بتمشي برجليها الكبيرة، وداست على جحور الأرنب فخرت كثير منها .
اجتمعت كل الأرنب عند ملك الأرنب، وقالوله: يا ملك هنعمل ايه في
المشكلة دي، شوفت الغيلة دخلت أرضنا، وخرت جحورنا، وهتاخذ عين الميه
بتاعتنا.

قال الملك: اندهوا كل الأرنب اللي بتفكر كويس عشان نفكر في رأي سوا.
فكروا وفكروا لغاية لما أرنبة من الأرنب كانت معروفة بشطارتها وأفكارها
الجديدة قالت للملك: لو سمحت ابعطني عند ملك الغيلة، وهتعرف، وهتشوف انا
هاعمل ايه.

فقالها الملك: اتفضلي روعي عند ملك الغيلة، وبلغيه اللي انتي شايفاه
مظبوط.

إستنت الأرنبة ليلة يكون فيها القمر كامل يعني يكون القمر بدر، ومشيت، وراحت عند ملك الغيلة.

ندهت عليه، وقالتله: يا ملك الغيلة بص على السما شايف القمر، القمر بعثني فما تُلومنيش هاقولك ايه.

أصلي هقولك كلام قاسي لكنها رسالة من القمر.
فقالها: الملك ايه الرسالة يا أرنبة يا صغيرة.

قالتله: القمر بيقولك اللي بيتغر بقوته علي الضعفا قوته دي هتضيعة وهتضره.
وبيقولك كمان إنك غرتك قوتك، فروحت عند العين اللي اسمها عين القمر بتاعتي أنا القمر وخربتها.

فبعثني ليك علشان احذرك ماتشربش منها ثاني، والا ها يعمي بصرك، وها يخليك ماتشوفش ابدأ، ولو مش مصدقني تعالي معايا العين تشوف بنفسك.
راح معها الغيل عند عين الميه اللي اسمها عين القمر، وقالتله: يلا يا فيل خد بخرطومك من الميه شويه اغسل وشك، فلما دخل الغيل خرطومه جوه الميه، الميه اتهزت، فاتحرك خيال القمر اللي في الميه.

اتخض الغيل وقال: يا تري ليه القمر اتهز كده؟ هو غضبان مني؟
فقالته الأرنبة: أيوه غضبان منك شوفت.

خاف الغيل، وصدق الأرنبة الذكية، وقال: أنا مش هارجع أشرب هنا ثاني ابدأ؛ لحسن القمر يغضب مني، ويعمي بصري، ورجعت الأرنبة لأصحابها الأرناب تطمئنهم، وتقولهم إن الغيلة مش هترجع هنا ثاني أبدأ.

وتوتا توتا خلصت الحدوته يارب تكون حلوة مش ملتوته.

تصبحوا علي خير.

القصة كتابة نرمين مجدي بالاقتباس من حكايات كليله ودمنة